

2676

L'ESPÉE  
COVRAGEVSE  
DES VRAYS  
François.

A PARIS;  

---

M. DC. XXVI.

THE UNIVERSITY  
LIBRARY

Case

F

39

.326

.1626 cc



# L'ESPEE COVRAGEVSE des vrayz Francoys.



A France, ce Theatre de Mars, ceste inuincible fortteresse ne peut retenir dans ses bornes ces ames aguerries, lesquelles ne respirent que remuëment, & ne pouuans receler leur genereuse ardeur, la vont exposer aux despens de l'estranger, ce sont des Lyons qui mettent en pieces tout ce qui s'oppose à leur dessein, & se font faire place à frâches coudées, où leur belliqueux genie les porte. ce sont des torrens qui menassent d'une totale ruine ce qui veut resister à leur debordade. rien n'est capable d'arrester leur course, ceste force contrairement referree brise facilement ce qui veut empescher l'effect de sa violence: se bander contre luy c'est menasser le Ciel, qui accablera soubz les montaignes de leur orgueil, ces Geants qui l'ont voulu surprendre. Ce peuple jadis tant ordonné n'a point perdu sa premiere vaillance, ains l'augmentant de iour en iour accroist son estime, fait trembler les plus hardis, & dōne l'espouuëte aux plus asseurez

Nous voyons maintenant resusciter aux cris de la Lyonne, des petits faons qui veulent par leur proüesse deuenir vray Lyons, la Licorne esguise sa defféce pour euentrer son ennemy. Je dis que la Noblesse François esguillonée du desir qu'elle a de seruir son Prince, se dispose à l'augmentation de sa Couronne & à l'establissement de son Sceptre, sans attendre que le tambour batte elle vient s'offrir, elle demande où est-ce. L'orgueil insupportable, & la trop hardie ambition de ce peuple farci de boutades luy ouvre la porte de la guerre, avec iuste subiect de faire fleurir les Lys de France, dans ce pais, qui les voudroit fouler aux pieds.

Hercule se prepare, pour deffaire ceste hydre, qui par ses sifflemens veut ietter son venim dans la France, corrompre la fidelité de ceux qui couuent dans vn corps demy François, vne ame toute dissimulée, maintenir à sa deuotion, ceux qui se sont desia laissez esblouir à l'esclat de l'or, & par ce moyen se glisser finement dedans: mais le Renard ne peut avec toutes ses astuces se deffendre contre le Lyon, ses forces sont trop petites pour se garantir de sa patte. Combien de monstres y a-il desia terrassez qui vomissēt à gueule beante sur soy mesme la rage qu'ils n'ont peu élancer sur leurs vainqueurs: combien de triumphes doiuent encore suivre avec heureux succez ce com-



5

menacement, tout le monde tremble soubs le nom des François, gouvernés par vn aussi iuste que puissant, & aussi puissant que Clement Monarque. Les Pigmées ne peuuent supporter le branle que leur donne l'Her-  
cule François en se secouant.

Puis que le commencement est si fauo-  
rable, il ne reste que de pouruiure, il faut  
battre le fer pendant qu'il est chaud, & ne  
s'arrester au milieu de la course, dautant  
que le chemin se rend libre, vne sage con-  
duitte en promet l'issuë digne d'vn courage  
François: mais il faut dormir les yeux ou-  
uerts, & vaeiller en dormant, afin que du-  
rant le repos ceste aisse blessée ne puisse re-  
cevoir guarison, r'allier ses forces pour puis  
apres guinder son vol trop haut. La France  
est toute pleine d'argus propre à faire le  
guet, & capables d'empescher par leur vi-  
gilance que cest ennemy mortel du croco-  
dile, ce petit euchemon ne luy entre dans  
le ventre, lors que la gorge ouuerte il se  
faict curer les dents apres s'estre rassasié de  
la proye qu'il a faict: la suaue odeur de la  
panthere n'attirera plus les autres bestes  
pour les deuorer, sa peau taelee n'a desia  
plus de pouuoir, l'on craint trop de voir sa  
teste, le monde marche maintenant d'vn  
autre pied, chacun pense à foy, ceux qui  
pours'estre portez à bride abbatuë à des  
violans excez de trahison, ont receu sur vn

honteux eschafaut le iuste payement de leur meffaits, seruiron de caueçon, pour refrener les dereglees passions de ceux qui peu affectionnez à leur patrie ne cherchent que sa perte, il ne faut pas aller guere loing pour en voir l'exemple. *ut lapsu grauiore ruant totum in alium*, c'est le ieu de fortune.

Les singes pour estre trop amoureux de leurs petits les estouffent, ces dissimulez, ces Singes de France enfantent souz quelque faux apparent dans leur imagination des montaignes d'or, mais leurs ailles trop foibles ne pouuant soustenir la pesanteur de leur corps les font impetueusement trebucher en bas, & en estouffant leur ambition s'estouffent aux mesmes, la panthere n'osant s'attaquer à la generosité du François deschire son pourtraict, voila l'effect de leur rage.

Courage, Noblesse François, le Dauphin vous presse le dos pour traueser les Mers sans aucun danger de naufrage, les montaignes se separeront pour vous faire large, l'occasion se presente. il ne faut la refuser, si vne fois elle s'escoule il n'y a plus de moyen de l'attraper: car elle est chauue par derriere afin que vous ne soyez contrains de dire avec Annibal. *quando potui non volui, & quando volui non potui.*

Il faut cueillir maintenant à brassées les Lauriers qui doiuent caindre le chef de no-

estre Roy, lequel seul par sa presence peut dissiper comme vn Soleil les nuées qui taschent d'empescher sa clarté, il porte en main le foudre pour briser ce sommeil des plus orgueilleuses montagnes, ce glaive qui sort de sa bouche est suffisant d'atterrer tout le monde sans qu'il soit necessaire de le faire sauter dans la main, il ne faut que dire le voicy, les portes s'ouuriront d'elles mesmes les murailles tomberont au son des clairons.

Mourir en Amasone, mourir tout droit les armes en main, c'est vostre centre, toute autre mort vous est violente, & pourquoy craindrez vous maintenant de vous acquerir au seruice de vostre Prince, vne gloire immortelle, la fortune ayant parcouru tout le Monde, s'est assise sur la France, y a laissé ses patins & ne veut plus s'enuoler, le temps est venu qu'il doit victorieusement triompher sur ces ennemis, & s'agrandir à leurs despens.

Vous sçauiez que lors que le griffon attrape quelque chose. il est difficile de l'auoir sinon avec l'espée, il a rauy iniustement à la France vne Couronne de laquelle il s'est basti son nid, & a caché dans terre le reste du thresor qu'il luy a desrobé. il faut le prendre cependant qu'il ne peut voler, & luy arracher par force ce qu'il detient iniquement.



Les Lacedemoniens dès que leurs enfans estoient nez les renfermoient dans vn bouclier, leur disant sauue, le bouclier, ou meurs pour la deffence d'iceluy : faire le contraire estoit perdre son honneur, vous venez au monde François, vous deuez vous maintenir ceste qualité durant vostre vie, ou mourir en la conseruant, se laisser arracher de ses mains son espée n'est pas estre François, si l'on ne tasche de la regagner.

Naab ce grand Capitaine poursuivant viuement ses ennemis les contraint de parler d'accord, il y consent : mais à condition d'arracher l'œil droict à tous les soldats pour les rendre par ce moyen ineptes à la guerre, c'est ainsi qu'il faut matter ceste arrogance, il luy faut couper les ailes, & la faire ramper si bas en terre qu'elle n'aye plus le moyen de penser à se remettre, jaduüe qu'il y a de la difficulté, mais le Lyon ne s'attaque iamais aux petites bestes qui ne sont assez fortes pour luy resister, il cherche de quoy faire parade de sa force, & monstrier qu'il est veritablement Roy des animaux. Battre vn homme mort, c'est perdre son honneur. Dauid s'est rendu recommandable, pour auoir terrassé Goliath, les difficiles entreprises sont les plus louïables, lors que l'Aigle ne peut vaincre le Cerf par force, elle se ierte dans la poussiere s'en charge, puis battant contre ses yeux ses ailes,



les remplit de terre, l'aueugle, de façon qu'il demeure sa proye, il ne faut qu'attaquer le Cerf craintif, haletant de chaud il se laissera prendre dans quelque ruisseau.

La resistance de vostre ennemy, est le feu qui allumera vostre colere, qui anime-ra vostre courage, & qui accroitra par vos signalez victoires vostre gloire. Courage, il faut faire prendre la fuite à ces oyseaux qui se forment dans l'eau des fueilles d'arbre affin qu'ils ne se presentent iamais plus deuant vos yeux.

Ils ont beau donner en garde au Griffon les pôm es hesperides, voicy Hercule qui les enleuera, il faut tascher de ne vestir la robbe infectée du venin de cest estranger Centaure que Deianita, ialouse de vostre bien, vous presente affin que transportés de furie, vous ne iettiez dans la Mer, lichas.

Mais allez hardiment le poursuiure, il fleschira tout incontinent souz la puissance de vos armes, Bajazet deuiédra prisonnier du grand Tamberlan, qui luy fera bien chèrement payer sa superbe, singlez en haute mer pendant que le vent est favorable, iettez les Corsaires iusques dans les Indes, affin qu'ils assouissent leur insatiable conuoitise dans les mines d'Or.

Quy il le faut, le temps le veut l'occasion

vous appelle plusieurs desirer vne liberté François qui ne souhaitent rien tant que de voir l'effect de vos armes. Le Milan veut se submettre au coq, d'autant qu'il craint que le foudre ne s'esclatte sur luy, il ne se sent pas assez fort pour luy faire teste, son iniuste desfence ne luy feroit esperer que sa perte pourquoy ne prendrez vous doncques les armes.

La lente ferueur qui a autrefois obscurcy la renommée de ceux qui membres d'un mesme corps n'ont voulu le deschirer, s'eschaufera pour les remettre dans leur estime, les plus craintifs deuiendront courageux en Lyons, & les plus tardifs emprunteront la legereté du cerf pour courir aussi legerement que courageusement sur l'ennemy, les femmes deuiendront des amazones pour deliurer la prisonniere de France, Ariadne se prepare pour sortir Thesee du labyrinthe, & la remettre dans sa premiere franchise.

Vn chacun couue dedans l'ame vne genereuse ardeur pour ceste entreprinse, ce seroit faire tort au Soldat qui est tout prest d'hazarder sa vie, pour vn si iuste subiect, le Coq a desia chassé par son chant ce Lyõ, qui rougissant ne t'asche qu'à deuorer la France, il a prins la fuitte & a desia quitté vne partie de sa proye, il laschera entiere-

ment sa prinſe s'il eſt talonné de près.

Les Affricains furieufement moleſtez des courſes que faiſoient les Lyons iuſques aux portes de leurs villes, en prindrēt quelques vns, les crucifierent au haut des montaignes, & dans les grands chemins, ce qui donna tellement l'eſpouuente aux autres, qu'ils n'oſerent du depuis ſortir des foreſts, & furent par ce moyen deliurez du rauage que faiſoient ſes beſtes, il faut prendre quelques vns de ceux qui commandēt aux raiſſeurs de ce qui vous appartient punir exemplairement leur iniuſte deffenſe, à leur exemple les autees apprendront à eſtre ſages.

Les forces qui ſont ioindēs enſemble ront plus deſſect, que lors quelles ſont diuiſees, les voſtres toutes ramalſſees autour de leur Chef menaſſent de diſſiper les bouadeuſes fumées qui ſemblent s'eſleuer cōtre le Ciel, lesquelles ne ſont rien que des fauſſes couleurs : qui ne ſçait que noſtre iniuſte raiſſeur ne peut rien ſans l'aſſiſtance de ſes voiſins, lesquelſ redoutant ſon indiſcrette ambition, luy couperont les aiſles au lieu de les agrandir? l'on a remarqué que dans ſes plus puiffantes Armées, les Soldats leués dans ſes terres, n'ont iamais excédé le nombre de dix mille, ie parle des naturels du pais, le reſte

estant composé d'estrangers, mais le nombre va tousiours se diminuant, d'autant qu'il est contrainct de fournir dans ces nouuelles conquestes, lesquelles le brident de ce costé, & au lieu d'augmenter ses forces, l'affoiblissent.

Ces pensionnaires ont oublié leur mestier de bastards qu'ils estoient, ils sont deuenus vrayns François, (i ene sçay que croire de ceste espee de nouveau monde, laquelle n'a iamais esté zelée au bien de la France) La Sindérese qui leur rongoit le cœur les a portés à luy tourner cassaque, & estre à l'aduenir conseruateurs de leur patrie: voila le plus fort de ces bouleuards desia mis par terre. d'ailleurs il ne doit esperer aucun seruice de ses voisins, lesquels meurent par son aduancement de peur de ne tomber dans ces pattes *quid moramini* attaqués-le viuement. Hercule lors qu'il coupoit les testes de l'Hydre y appliquoit tout à l'instant le feu, afin qu'elles n'eussent le loisir de renaistre.

Vous estes assez riches pour brauer ces flottes chargées de lingots d'Or, & assez puissants pour vous enrichir du butin que vous promet l'heureux succez de ceste guerre, le Soldat n'a plus subiect de craindre de n'estre fodoyé, l'eau froide fait pour au chien quia esté brulé, la folie des mal



sages apprend à viure à ceux qui peuuent se plonger dans mesme precipice vostre Roy, est clement, mais aussi il est iuste.

Le nombre de combattans ne manque point, toute la France formille de courages, qui ne demandent que où est-ce, qui se veulent monstrier prodigues de leur sang pour vne si iuste querelle, combien y a il de Curses qui la teste baissée se ietteront hardiment dans ce gouffre qui alloit perdant la France pour la deliurer, combien d'Horaces capables tous seuls de rompre la violence des ennemis? vous n'avez rien maintenant que des Curius, qui ne se laisseront iamais corrompre.

Vaincre c'est s'acquerir de la gloire, mais vaincre en combattant c'est s'immortaliser la victoire a desia prins son vol, pour se ranger de vostre party, les augures vous sont fauorables, la crainte secoüe desia l'audace de vostre aduersaire, il vous a voulu raur la Couronne de France, mais garde qu'il n'en ressent l'effect sur luy.

Orphée retire Euridice, par le son de sa lire des enfers, mais rompant le pache il l'a repert, elle y descend encore vne fois, le son de vos armes estourdira ces barbares retirant l'Euridice de France, & leur arrachera des

mais la prisonniere qu'ils retiennent par force, la moisson n'apporte point de profit à son maistre, s'il neglige de la cueillir. Si Archiles eust tousiours demeuré caché entre les filles de Lycomedes s'il n'eust quitté l'habit de femme, il ne fust iamais signalé par ses victoires il faut battre le lezart de Chalcide pour luy faire quitter prise.

Menelaus ne peust iamais souffrir le rauissement d'Helene, sans en prendre vengeance, toute la Grece s'esmeut à ses plaintes, & iura la ruine de Troye, il y alloit de son honneur, il ne pouuoit se desdire de faire la guerre aux Troyens, mais voila qu'apres la mort de Paris, Helene tousiours grecque dans son ame leur donne le signal & faict prendre Troye, il ne faut pas douter que la brebis esgarée ne tasche de se retirer d'entre les pattes du loup pour se rendre dans son parc, Vlisse pochera librement l'œil à Polypheme, pour ne rassasier sa gloutonne fain, il ne faut que tendre la main à ce peuple qui veut secoüer le ioug

de la seruitude, & reuenir à sa premiere franchise, si la necessité le contraint de ce masquer d'un faux semblant, il couue vne ame François.

Il n'est plus temps de courir à l'eau apres le rauagement du feu, le repentir ne vient iamais que trop tard, François si vous estiez vray François, voicy le Theatre, où il faut faire parade de vostre courage, la couronne vous attend au bout de la carriere: mais il faut raurir les pommes Hesperides, pendant que le dragon est endormy, autrement tout est perdu.

Generouse France, qui as iusques icy enfanté des Lyons, changeras tu maintenant de naturel, produisant des Cerfs, non la Noblesse qui n'est que feu, ne respire que coutage, ne parle que de guerre, tout son exercice n'est que manier les armes, elle est trop aguerrie la paix luy est vn martyre.

Allez donc attaquer ce Cerbere, voyez si vos espées sont assez tranchantes pour luy couper ses testes, faictes sur luy vn essay de vostre valeur, sans doute, vincetis. F I N.

